

## آبونه شرائطی

ممالك عثمانیه ده سنه لکی (۶۵) ، التي  
آیلغی (۳۵) غروشدیر .  
ممالك اجنبیه ده سنه لکی (۱۷) ، التي  
آیلغی (۹) فرانقدر .

## اداره خانه

باب طاقی جاده سنده اورخان به خائنده  
نومرو ۲۳-۲۶

## اضطارات

آبونه بدلی پشیندر .

§

مساکه موافق آثار مع الممنونیه قبول  
اولنور . درج ایدیا مهین یازیلر  
اعاده اولوغاز .

# الکمال

سر ۱۳۳۰

## اضطارات

رساله مزدن آلدیغی کورملک شرطیه  
یتون یازیلر هر هانکی مرغزته طرفندن  
انتباس اولونه یبیر .

§

مکتوبلرک ، امضارک واضح و  
اوقوناقلی اولسی و آبونه صره  
نومرو صنی محتوی بولونمسی لازمدیر .

§

ممالك اجنبیه ایچون آبونه اولانلرک  
آدرسارینک قرامتیه سرده یازلمسی  
رجا اولنور .

§

اون آبونه قید ایدن ذاته بر آبونه  
مجاناً تقدیم اولنور .

دینی ، علمی ، ادبی ، سیاسی هفته لقی مجموعه اسلامیه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ع . اشرف ادیب

عساکری ایلہ «مالیسور» لر و مردیتایلر آرمه سنده غایت شدید محاربات وقوع بولمشدر . بو محارباتده یوز سکسان صرب عسکری تلف اولمشدر . صرب عساکرینه تعرض ایدن مالیسورلرک تنکیلی ایچون «تیران» و «قروپا» دن ایکی طابور صرب عساکری مقدار کافی جبل طویاری ایلہ اعزام ایدلشد . مالیسورلر طاعلره چکیلوب پوصولر قورمشدر . صرب عساکری «ویتالی» یه ایلرولر ایکن «مردیتا» لیرک قوای متحده سی طرفدن احاطه ایدلش و وقوع بولان محاربه ده ایکی طابور صرب عساکری و جبل طویاری ۶۰۰ عسکر تلف اولش و متباقیسی سلاح و مهماتی و طوپلرینک جمله سی ترک ایدوب پریشان برحاله فرار ایلشد .

#### اوربک - اورپا:

المانیانک اسلامه مظاہرئی . — المانیانک در سعادت سفیری بارون وانکنهایم جناباری کچن کون حکومت متبوعه سندن آتیده کی تلغرافی آلمشدر : «المانیانک ، آسیای عثمانیده کی منافع عظیمه سنه بناء شواثاده روسیه طرفندن باب عالی اوزرنده تضییقات اجراسنه موافقت ایدمه . کیفیت روسیه قابینه سنه ده تبلیغ ایدلشدر .»

سبیل الرشاد . — مسلمانلر ، «والقینا بینهم العداوة والبغضاء الی یوم القیامة کما اوقدوا ناراً للحرب اطفالها الله ...» سرینک بالفعل تجلیدن کورهرک عزم و متاتلرینی تقویه و تزئید ایلسونلر .

#### عالم اسلامده تظاهرات :

هندستانک (لکنو) شهری اهالی اسلامیه سی بر (متینغ) عقیدله لوندره قابینه سنک دولت عثمانیه علیمدار هر خط حرکت تعقیب ایلسنی شدله پروتستو ایتشد .

§ قالدکوتادن ۲۰ کانون ثانی تاریخله داخلیه نظارتنه چکیلن تلغرافله مه در : دونکی رویتر آژانسک قابینه تبدلنه دائر ویره دیکی حیوادی مسلمانلری تکرار امیدوار ایلشد . جناب حقل سزلری اسلامی مدافعه یه موفق بیورمسنی دعا ایلکده یز . قالدکوتا مسلمانلری نامه : عارف

§ هندستان مسلمان جمعی طرفندن مصارف حربیه اولهرق حکومت عثمانیه (۱۶,۰۰۰,۰۰۰) اون آلتی ملیون فرانک تودیع واعطا ایدلش اولدیفنی استخبارات آژانسی تأمین ایدیور .

بو مبلغ هند مسلمانلری طرفندن هر نه قدر تا بدایت مخاصمه ده جمع اولمش ایسه ده اسقاط اولنان قابینه یه اعتماد و امنیت ایتدکلرندن طولانی کوندربله مشدر .

§ رانغوندن احمد داود و منلا افندی صباح غرته سنه آتیده کی خصوصی تلغرافنامه یی کشیده ایتشد :

«بورما اهالی اسلامیه سی دولتک نوطه سنه شن وشوکت اسلامیه و شرف وحشمت عثمانیه منافی بر جواب اعطاسنه میدان ویرلیوب بو صورتله حیثیت خلافتک مختل اولسک منعی ضمننده اتحاد اولنان غایت مصیب ، معقول و مقبول بر تدبیردن طولانی عثمانیلری تبریک ایدیورلر و بو مناسبتله اثنای محاربه ده غائب ایدیلن اراضینک ده امثالسز و شهرت شعار مشیر شوکت پاشا ایلہ غازی انور بکک سایه سنده استرداد ایدیله جکنه ، بو صورتله عثمانی سلاحلرینک ناموس و شرفی اعتلا ایلله جکنه امین و مطمئن بولندقلرینی بیان ایدیورلر . بو خصوصه جناب حقه دخی کمال خشوع ایلہ نیاز و تضرع ایلورلر . بتون امت اسلامیه محاربه دوام ایتدیکی مدتیجه دارالخلافه العلییه اعانه نقدیہ ارسالندن اصلاکری طوریه جق ، عثمانی هلال احمریه معاونت لازمه یی قطعاً دریغ ایتیه جکلردر .»

#### مظالم نصرانیه :

میرا خرسیتیانہ بارم . — جمعه بالایه مربوط سیمیتلی قریه سنده ۷۴۰ مسلمانک اولجه بلغار اولدقلری بهانه سیله خرسیتیانلنی قبول ایتدکلرینه و قرینق

طوغری باقرق بابالرینک اسلامیت یولنده آقیمش اولدقلری قانک انتقامی آلفله پرورشیاپ اولورلر! آرتق یا معشر الاسلام ، وظیفه باشنه ! شعارمن : یا شرف ، یا اولوم در !

#### انور بک - اورپا

ویانده منتشره نیوونهر ژورنال «غزته سی مهم بر مقاله سنی شو جمله ایلہ بتزیور :

«بوکون عثمانیلک و حتی دینله بیلرکه بوتون اوروپانک مقدراتی انور بکک ید اقتدارنده در .»

#### شیون

#### مظفریات حربیه و سیاسیه :

#### آن دکرده :

الاهرام غرته سنده اوقوندیغنه کوره حمیده قروواووری ۹ کانون ثانی افرنجیده پورت سعید صولرینه تقرب ایتدیکی صرده ایکی یونان طورپیدوسنه تصادف ایدرک برینی باتیرمش و دیگرینک مهم اقسامی تخریب ایلشد . § ۱۰ کانون ثانیده بیروته مواصلت ایدرک ریخته ده بیکلرجه خلق طرفندن سلاملامش ، بر قاچ ضابط و عسکر اخراج ایتدکن صوکرا ، اون بر بچقه بیروت لیانندن مفارقت ایلشد . قهرمان حمیده نک موفقیتی اهلینک قوه معنویه سی اوزرنده بک مهم بر تأثیر اجرا ایتشد .

§ تصویر افکارک استخباراتنه کوره حمیده ، بیروتن عودتی اشناسنده ، یونانلیرک درت طورپیدوسی طرفندن بر هجومه معروض قالمش و کوستردیکی صولت دلیرانه نتیجه سنده ایکی طورپیدوی غرق ، برینی ده ضبط ایلشد . دیگر طورپیدو بک زیاده خساره دوچار اولهرق فرار ایده بیلمشدر .

اسم جهانک غرور و املی . — «اسپه چیا» زرهلیمی کانون ثانیکن بشنجی جمعه ایرتسی کونی لینی آچیقلرنده وقوع بولان محاربه بحریه ده عثمانی کولله لرینک اصابتیه فناحاله زده لهرک موندروس آچیقلرنده باتمش اولدیفنی موثوقاً خبر آلمشدر .

#### آرناوودلرده :

جاوید پاشادن وارد اولان بر تلغرافه کوره عثمانی قوتی دشمنی دفع و تنکیل ایتک صورتله کورینجه یی استرداد ایلشد .

§ صباحک مخابر مخصوصی سلانیکدن یازیور : «آرناوودلر صربلیره قارشى صورت شدیدده اعلان حرب ایتدیلر . چتهلر تشکیل ایدیورلر . آرناوودلرک طویلی اولدیفنی کی کلیتی مقدارده مترالیوزلری ده وار . صربلره دهشتی تلفات ویردیر یورلر .

آرناوودلرک دبره ، قومانووه ، پرشتنه یی ضبط ایتدکاری محققدر . دوندن بری قچانیک بوغازینی طوتدقلرینی ده ایشید یورز . بومسوعانمزی ایکی کوندنبری اسکوبدن یوقاری شمندوفرلرک ایشله مبدکاری تأیید ایدیور .

خبر آلدیغمه کوره متروویجه خطی اوزرنده صربلرک بر عسکری ترنی آرناوودلر بومبا ایلہ بر هوا ایتشلر . فقط بو خبر هنوز تأیید ایتدی .

§ «قائارو» دن ویانیه واقع اولان اشعاراته نظراً قوای عثمانیه ، اشقودره ده یکی بر خروج حرکتی یا مشلر و شنکینه طوغری کندیلری ایچون بر یول آچغه موفق اولمشدر . اشقودره قوای عسکریه سی ، شنکیندن بو صورتله بول بول ارزاق آلمشدر .

§ «ویانه» دن «فوسیشه چایتونغ» غرته سنه اشعار اولنیور : «بار» دن «راخنشپوست» غرته سنه وارد اولان معلوماته نظراً «ماطیا» ده صرب